


PAMFLET

376



I

DE CLADE EXER-
CITVS PHILIPPI RE-
GIS HISPANIARVM AD VICVM
Turnhoutum in Brabantia 1 x. calend. Februarij,
anno a Christo nato M. D. XCVII. Claraq; victo-
ria obtenta ductu Illustris Principis Mauritijs Nas-
souij, auspicijsq; Illustrissimorum Ordinum gene-
ralium confederatarum provinciarum Belgij vera
Narratio.



ANNO M. D. XCVII.

976
2.

THE ADELPHI
OR THE FIVE BROTHERS
A TRAGEDY IN FIVE ACTS
BY THE AUTHOR OF THE TWO FUSILIERS
AND THE SCHOOL FOR SCANDAL
LONDON: Printed by J. DODD, in Pall-mall.
1769.



Printed by J. DODD, in Pall-mall.

DE CLADE EXERCITVS PHILIPPI

Regis Hispaniarum ad vicum Tournhoutū in Brabantia 9. calend. Februarij, anno a Christo nato 1597. Claraq; victoria obtenta ductu Illustris Principis Mauritijs Nassouij, auspicijsq; Illustrissimorum Ordinum generalium confœderatarum provinciarum Belgij vera Narratio.



Vm ex varijs nuncijs comperisset Illustris Princeps Mauritius Nassouius Illustrissimum Cardinalem Albertum Archiducem Austriae, gubernatorem generalem Philippi Regis Hispaniarum destinasse siue astu clandestinisque consilijs, siue aperto Marte hoc hiberno tēpore aggredi rem magnā, noxiamq; prouincijs vnitis, eamq; ob causam Tournhouti locasse exercitum ad quatuor milium peditum equitumque: Nempe agmen siue regimentū Neapolitanorum constans ex tribus cohortibus, in quo erant veterani Centuriones, Signiferi alijq; Officiales præcipui variorum signorum antea ex autoratorum plus minus quingenti: Item regimentum vnum Germanorum Tribuno Comite Sultensi, Tertium & quartū V Valonū quę Barlotus & Hachicourtius Tribuni nuper compleuerant ex nouis delectibus, in locū eorum qui in Hulstensi obsidione oppetiere, & quinque Turmas equitum sub præfectis Nicolao Baste, Ioanne Cordua, Alfonso Dragone, Grobendonck & Gonsmanno, quarum singule efficiebant circiter septuaginta quinque equites, cui exercitui præerat Comes Varaxius dominus de Balanchon, destinatis eodē alijs insuper copijs Hispanorum aliarumq; nationum, cum com meatu, instrumentisq; ad magnū belli opus necessarijs. Illustris inquam Princeps Mauritius Nassouius, diu multumque animo voluens quopactō infringeret hostiū conatus quam maximo Reipub. bono, securitate, atque tuitione Regionum, oppidorum ac ciuium sub ipsius Regimine constitutorum: circa quam deliberationem multę, grauesque occurrebāt difficultates, cum intuitu hiberni temporis intēpestiui, modo gla-

ciem, modo imbrem promittentis, tum verò ob tanta locorū interualla, in quibus disposita erant præsidia, puta, triginta miliariū cōmunium, vnde acciendi erant pedites equitesq; , cum apparatu bellico : quod perquam difficile factu erat, plenūq; periculi, ne hostis per exploratores rescisceret. Tandem statuit quā posset celerimē secretòque ex omnibus præsidijs contrahere Gheertruydenbergē ad sex millia peditum equitūq; vndecimo calend. Februarij, in quem diem Illust. Ord. generales indixerant solenne Ieiunium per omnes provincias suę ditionis, ad comprecandū Deum omnipotentem implorandamq; ipsius opem atq; clementiā dissipandis hostium conatibus, prosperandisque consilijs ac cœptis Principis Mauritij : qui usu edoctus quantum intersit per te ne an per alium ardua belli administres, decreuit ipse Geertruydenbergā venire præcisē die constituto, rebusque gerendis præesse. Propositum erat postero die cum equitatu atq; peditatu, nec non duobus tormentis maioribus, duobusq; cāpestribus summis itineribus interdiu noctuque tendere ad hostem, primoq; diluculo fauore Dei ac virtute militum suorum de improviso castra adoriri, atque expugnare, hostēq; cedere ac fugare. Hoc consilio decessit Hagā quondā Regiā Comitum Hollandię duodecimo calend. Februarij, comitatus præter domesticos atque ordinarios, generosis viris Georgio Comite Solmensi, & Francisco Veer Anglorum auxiliariorū præfecto, venitq; postridie Geertruydenbergam, quò secundo aduersoq; flumine appulerunt intra duarum prope horarum spatiū singulari nimirum prouisione ac directione Dei Opt. Max. supra centum quinquaginta naues onerarię cum militibus & cōmeatu. Eodemq; die ac loco pari promptitudine & diligentia, pro egregia ac constanti ipsius in Rempub. atq; Excellentiā suam voluntate, rogatu Excell. suę sese stirit generosus vir Robertus Sidneus, præfectus ciuitatis Flissingæ in Zelandia, nomine Sereniss. Regine Anglię, cum manu lectissimorum militum Anglicanorū amplius trecentorū. Sed & Vicarius præfecti oppidi Brielenis pari studio ac diligentia eodem misit ad diem conditum, ducentos Anglicę nationis milites egregios. Generosus Comes ab Hohenlo legatus generalis paulò ante assensu Ord. generalium suęq; Excell. cōstituerat proficisci in Germaniam, ob quædā priuata ipsius negotia,

ria, paucosque dies remoratus per aëris intemperiem ac varietatē,
cum venisset ad extrema præsidia atq; limites Prouinciarū unitarū,
factus est certior, mandato suę Excell. summa celeritate cogi equi-
tem peditemque circa Gorcomium ad diem 12. calend. Februarij.
Hinc, qua est summā prudentiā atque experientia in rebus bellicis,
peritiaq; locorum ac regionum, facile iudicans istam militum
contractionē non fieri hoc anni tempore, media hieme, nisi mag-
na ac necessaria de causa, posthabitis priuatis negocijs, dilatāque
profectione, pro solita ac perspecta ipsius in Rempub. voluntate,
fide, animiq; magnitudine, huic expeditioni omnino interessē vo-
luit. Ergo rebus omnibus præstituto die Geertruydenbergē bene
paratis ac compositis, Excell. sua in posterum diem profectionem
edicit, iamque accincto itineri, literę afferuntur à Concilio status
unitarum Prouinciarum, quibus rogābatur ne personam suā ob-
ijceret periculo: ad quę paucis respondit; se rectā petere Tourn-
houtum, vt ibi, cum Deo, hostem assequeretur, tendens continuē
interdiu ac noctu, ita vt nocte intempesta perveniret ad pagum
quendam nomine Rauels, vno non amplius miliari distantem a
Tournhouto: hic iussit militem paululum quiescere, corporaque
curare dū postremos opperirentur, qui ad galliciniū ōnes ibi con-
venerunt. Comes Varaxius dux hostium exercitus, vt per explo-
ratores cognouit de aduentu Principis Mauritij cū copijs ac ma-
chinis bellicis, consilio habito cum Tribunis & Centurionibus,
parum in rem atque existimationem suam consuluisse videtur.
Nam pro eo quod vel castra munire, ibidemque militē continere
debuerat, vel præoccupato loco ad pugnam idoneo, cum copijs
suis integris ac recentibus pugnare aduersus hostes, ex labore tāti
tamque incōmodi itineris cœnossos, madidos, valdeq; defatiga-
tos, id quod multo tutius honestiusque videri debuit duci inter
præcipuos habito, præsertim cum nec numero militū multo esset
inferior, ipsiusq; peditatus atque equitatus fortitudine, audaciāq;
nullis cederent eorum qui sub Rege Hispaniarum stipendia mere-
bant: tamen improviso aduentu ipsius Excell. ita fuit perterritus,
vt sub conticinium desertis castris, nullo neq; tubę neq; tympani
signo aliove strepitu edito, cessim contenderit ad oppidū Heren-
tals, in quo erat Hispanorum præsidium quatuor inde miliaria dis-
situm,

fitum, sibi suisque id saluti futurum ratus. Princeps verò Mauriti-
us cum diluculo venisset Tournhoutam, cognouissetq; hostem
inde cessisse, officii duxit ipsum consequi cū equitatu, imperatq;
vt peditatus omnis quantum eniti possent, subsequeretur. Ad
mille circiter passus vltra Tournhoutum caternæ peditatus hostiū
faure cuiusdam siluæ tuebantur ponticulum angustum ex asseri-
bus factum supra amnem parvulum, cuius vadum longo ambitu
non nisi à singulis equitibus transiri poterat, non minore quoque
peditum incommodo propter ponticuli angustias, hunc Princeps
confestim capi, hostemque inde deturbari mandat Domino Frā-
cisco Veer ac Nicolao vander Aa Vicario Præfecti stipatorum ip-
sius cum ducentis Scopletarijs grauioribus, quos vulgo musquet-
tarios vocāt, qui nullo negotio hostem inde abigunt, capiuntq;
ponticulum, per quem Princeps Mauritius cum equitatu hostium
vestigijs insistentibus ipsos assequitur in quādā planicie vno abs Tour-
houto miliari, incedentes hoc ordine, centum passibus inter sin-
gula agmina siue regimenta interiectis, primi tendebant Germa-
ni, deinde Regimentum Hachicourtij, tertio Barlotti, vltimo Ne-
apolitani, dextrum ipsorū latus tegebat equitatus partitus in tres
Turmas, sinistrum silua supradicta, impedimenta præmissa erant.
Princeps Mauritius, qui tergo hostiū imminabat, cum Comitem
ab Hohenlo præmissum cū dimidia parte equitatus diuisi vtrinq;
in sex turmas, videret eò progressum vt in latera peditatus hostiū
incurrere posset quem admodum imperatum erat, negotium dat
domino Francisco Veer, cui se adiunxit dominus præfectus Elis-
singæ, vt cum parte equitatus impetum faceret in tergum hostiū,
ipse cum reliquo equitatu substitit, intentus in omnem euentum
vt suis laborantibus si qua opus esset subueniret: His ita constitu-
tis vno eodemq; temporis momento Comes ab Hohenlo cum
Comite Solmensi in hostium latus, alij in tergum hostium tanto
imperu, ardore, ac vi equos immittunt vt ordines turbarent ac
perruperint, inde eques hostium in fugam versus, cedesq; passim
fieri eorum quibus in pedibus nihil fuit præsidij, ibi compertum
fuit peditum hastas nihil valere aduersus vim paruorum tormen-
torum quos militari vocabulo Carabinos appellant, quibus hoc
prelio pro Lanceis vsi sunt equites Mauritanij. Cæsa sunt in acie
duo

duo amplius hominū millia, & in his ipse dux **Comes Varaxius**.
Capti pluresquam quadringenti, inter quos sunt primę notę ali-
quot Centuriones. Ad fidem insignis victorię, magnęq; cladis
Hispano illatę constat Principem Mauritium ex hostibus repor-
tasse triginta septem signa peditum & vnum vexillum equitum.
In hac pugnā egregiam strenuamq; Reipub. operam nauarunt in
primis Comes ab Hohenlo Legatus generalis, Comesq; Solmen-
sis Germani: nec non supradicti generosi viri Robertus Sidneus,
& Franciscus Veer Angli. Sed & generatim omnes præfecti equi-
tesque ac pedites qui interfuerunt conflictui, fortiter ac strenuē
egerunt, suam pro salute Reipub. ac suę Excel. obsequio promp-
tam voluntatem evidenter hoc prælio testati. Verum enimvero
misericors ille Deus in tota hac expeditione manifeste declarauit
se preces suorum exaudiuisse, hostium consilia dissipasse, Excel.
suę cęptis adspirasse, animum, arma, manus ipsius, suorumq; mi-
litum confirmasse, ad nominis sui gloriam, protectionem regio-
num, oppidorum, incolarum Prouinciārū confœderatarum, cō-
fusionemq; superborum ambitiosorum ac Tyrannicorum cōa-
tuum hostiū veritatis ipsius, cui sit laus & gloria in sempiternū.
Post claram hanc victoriam modico suorum militum sanguine
partam, Tournhoutum redijt Princeps Mauritijs, vbi machinas
bellicas cum parte peditatus reliquerat, arcemque concussam
duodecim ad summum ictibus tormentorum, accepit a præsidia-
rijs per deditionem, pactis vitę rerumque suarum incolumita-
tem, in quo fides ipsis seruata est. Hinc dimissę sunt Copiæ in
sua queque hiberna, Princepsque reuersus est Hagam-Comitis
octauo die postquam inde discesserat. Ex huius expeditionis
mirabili directione ac successu certo statui potest, Deo Om-
nipotenti cordi esse fœdus illud superioribus mensibus ictum
inter Regem Galliarum, Reginam Anglię & præfatos Or-
din. Generales, ad quod sese adiuncturos esse omnes Re-
ges, Principes & Respub. nominis Christiani, credibile est,
nec non reliquas Provincias Belgij cum oppidis, ciuibus, In-
colis, qui tantum non tremunt ac gemunt sub intoleranda
Tyran-

Tyrannide, importunaque dominatione Hispanorum, quibus
provincijs adhuc liberum ac solutum est siue generaliter, siue par-
ticulariter sese conciliare & consociare cum prædictis Ord. gene-
ralibus, eaque ratione compotibus fieri dicti foederis. Sperandū
est etiam, si Rex Galliarum, Regina Angliæ & Ord. generales a sua
quique parte adnitantur, atque pro viribus insistant huic præclare vi-
ctoriæ, futurum propediem ut vel optatus huius diuturni belli exi-
tus subsequatur, vel bellū ipsum diueratur ac transferatur in Hi-
spanias magna cum tranquillitate ac securitate Regnorum Fræciæ,
Angliæ, Scotiæ, Daniæ, Syvedie, & precipuè superioris & inferioris
Germaniæ, qui per latus Prouinciarum vnitarum vniuersaliter
petuntur atque oppugnantur ab insatiabili ambitione Hispanorū,
atque adeo animo, spe, opinione iam dudū deuorati subiugatiq;
sunt. Hic primus est belli actus, cœptus ab hac parte post initam
præfatā confœderationem, & primitiæ primi Mensis huius Anni,
Nostri officij est. Deum enixè ac continenter orare pro continu-
atione clementiæ ac fauoris ipsius in reliquum huius anni tempus
annosq; subsequentes, ut omnia cedant ad nominis sui gloriam
& Reipublicæ Christianæ incrementum atque conseruationem.



nibus
e par-
gene-
andū
a sua
re vi-
lexi-
Hi-
āciq;
erio-
liter
orū,
tiq;
tam
ni,
nu-
pus
am
n.